

涵芬樓古今文鈔

呂景端
書藏

酒樓古今天鈔

卷一
酒樓

涵芬樓古今文鈔卷八十二目錄

雜記類

記四

嚴州釣臺買田記 陸游

紹興府修學記 陸游

書巢記 陸游

居室記 陸游

東屯高齋記 陸游

東籬記 陸游

煙艇記 陸游

復齋記 陸游

籌邊樓記 陸游

白鹿洞書院記 呂祖謙

游赤松山記 呂祖謙

韶音洞記 張 栻

范氏復義宅記 樓 鑰

華亭縣開通波大港建張涇堰牐記 許克昌

楚州新城記 周 孚

滁州奠枕樓記 周 孚

王荊公祠堂記 陸九淵

敬齋記 陸九淵

重建客星橋記 孫應時

南豐先賢祠記 陳宗禮

盱眙軍新學記 袁 燮

故節士詹公祠堂記 袁 燮

武進縣重開後河記 鄒補之

陳修撰祠堂記 劉 宰

韓文公新廟記 黃 榦

安吉州烏程縣南林報國寺記 李心傳

建康府總運司初建貢院記 李道傳

淳安縣社壇記 羅 願

元符忠諫堂記 魏了翁

靖州鶴山書院記 魏了翁

涪州社稷壇記 魏了翁

緜州新城記 魏了翁

雅州振文堂記 魏了翁

眉州新開環湖記 魏了翁

四川制置使安公生祠記 魏了翁

洪氏天目山房記 魏了翁

瀘州重修學記 魏了翁

瀘州瞻軍田記 魏了翁

拙齋記 魏了翁

眉州江鄉館記 魏了翁

平糶倉記 黃震

撫州金谿縣社倉記 黃震

矩堂記 真德秀

南雄州學四先生祠堂記 真德秀

鄂州重修北榭記 李璡

文廟禮器記 陳文蔚

始得山橋隱居記 王 埜

呂東萊讀書堂記 謝夢生

溧陽縣除妖記 陸子遜

三鉅公祠記 戴 桷

咸若亭記 李昂英

程剛愍公祠記 李伯玉

永和鎮歐陽監丞祠堂記 歐陽守道

周七律記 王應麟

赤城書堂記 王應麟

宗會樓記 陳 淳

靜觀亭記 蔡 戡

周公謹復菴記 牟 燾

建康府重建貢院記 馮夢得

大禹廟記 計有功

濂溪小學記 趙櫛夫

傳貽書堂記 文及翁

羅浮山行記 趙汝馭

瑞州三賢堂記 文天祥

登西臺慟哭記 謝 翱

三友軒記 王 寂

瑞葵堂記 王 寂

五松亭記 王庭筠

香林館記 王庭筠

湧雲樓記 趙秉文

適安堂記 趙秉文

寓樂亭記 趙秉文

種德堂記 趙秉文

寶墨堂記 趙秉文

葉縣學記 趙秉文

手植檜刻像記 趙秉文

游龍山記 麻革

劉濟之忍齋記 李俊民

重修浮山女媧廟記 李俊民

睡鶴記 李俊民

涵芬樓古今文鈔卷八十二

侯官吳曾祺纂錄

雜記類

記四

嚴州釣臺買田記 陸游

嘉泰四年。詔以嚴州久不治。命朝散郎直祕閣浙西路安撫司參議孫公叔豹爲知州事。公至數月。州以大治。公天資近道。不樂燕游歌舞之奉。又不喜以土木無益之事勞其民。治事少休。則宴坐別室。自夜至旦。盥饋而出。終歲如一日。獨念初赴郡。過七里瀨。漢嚴先生釣臺下。讀唐興元中崔儒釣臺記。以爲上有平田百畝。足以力耕。下臨清流。足以垂釣。今投釣之地具在。而田則無有。乃以屬縣令訪之。則田亦具在。旁有流泉。雖大旱不竭。可給灌溉。而或者輒有之。公乃遣語以當歸田直。而取田以爲先生歲時祭享之奉。其人難之。公歎曰。光武欲與先生共天下。

而先生不屑也。千有餘歲後。吾乃欲必取百畝之田以奉祀事乎。且吾教化未孚。而遽望人以輟耕遜畔難矣。因置不問。會有沒官田。又從旁買民田足百畝。除其雜泛科斂。以畀浮屠之奉祠者。又卽祠之右。創爲佛院。棲鐘于樓。匱經于室。僧廬客館。略皆有所。度歲入可以食其徒七人。而樵汲之役。又在其外。則先生之祠。可以永世不廢。乃礪美石請記于余。余曰。嚴名城也。自大駕巡幸臨安。以朝士出守者。與夫人對行殿被臨遣而來者。大抵多取道于富春。入謁祠下。有高山仰止之歎。而恨祠屋弊壞。椒桂不以時薦。往往咨嗟躊躇。久而後去。及其下車。則日困于簿書米鹽。將迎燕勞之事。忽焉忘前日之言。寒暑再更。復上車去。則又過祠下。負初心戴媿面者袂相屬也。聞孫公之舉。得無少自咎哉。余二十年前。蓋嘗來爲此邦。亦自咎者之一也。故喜道孫公之舉。且以勵來者云。開禧元年十二月辛未記。

紹興府修學記

陸游

八卦有畫。三墳有書。經之源也。典教有官。養老有庠。學之始也。歷世雖遠。未之或

異。自周季以來。世衰道微。俗流而不返。士散而無統。而學校弗治。自周襄至五代。幾二千歲。而後我宋誕受天命。崇經立學。以爲治本。十二聖一心。罔或怠忽。然竊嘗攷之。方周盛時。天子所都。旣並建四代之學。而又黨有庠。遂有序。畿內六鄉。鄉有黨。百五十六遂。遂有鄙。如黨之數。遂序黨庠。蓋互見之。則是千里之內。爲序十有二。爲庠三百。何其盛也。今畿內之郡。皆僅有一學。較于周不及百之二。而又不治。則爲之牧守者。得無任是責邪。會稽拱行在所。爲東諸侯之冠。宜有以宣聖化。倡郡國。而學未稱。給事中栢蒼王公信。來爲是邦。政成令行。民物和樂。臺榭弗崇。陂池弗廣。而惟學校是先。燕游弗親。廚傳弗飾。而惟養士是急。下車未久。輿殿崇閣。邃宇修廊。講說之堂。弦誦之舍。以葺以增。不日訖事。以其饗殮未足也。則爲之售常平之田。以其見聞未廣也。則爲之求四方之書。食有餘積。書罕未見。然公猶以爲歉。曰。上丁之禮。服器未復古也。又爲之新冕弁衣裳。帶紳佩舄之屬。自邦侯至諸生。各以其所宜服。鼎俎尊彝豆籩簠簋之屬。自始奠至受胙。各以其所宜用。

無一不如禮式。公乃齋心修容。來宿于此。質明。陟降揖遜。進退跪起。俯首屏氣。如懼弗克。禮成。士僉曰。公以躬行先我。我處于鄉。弗篤于孝悌忠信。出而仕。弗勉于清廉正直。不獨不可見公。仰天俯地。其何心。見父兄長老。其何辭。教授陳君自彊。與諸生以其言來告曰。願有記。某老病不獲奉俎豆以從公後。喜士之能承公也。于是乎書。紹熙二年九月癸酉記。

書巢記 陸游

陸子既老且病。猶不置讀書。名其室曰書巢。客有問曰。鵲巢于木。巢之遠人者。燕巢于梁。巢之襲人者。鳳之巢人。瑞之。梟之巢人。覆之。雀不能巢。則奪燕巢。巢之暴者也。鳩不能巢。伺鵲育雛而去。則居其巢。巢之拙者也。上古有巢氏。是爲未有宮室之巢。堯民之病水者。上而爲巢。是爲避患之巢。前世大山窮谷中。有學道之士。棲木若巢。是爲隱居之巢。近時飲家者流。或登木杪。酣醉叫呼。則又爲狂士之巢。今子幸有屋以居。牖戶牆垣。猶之比屋也。而謂之巢何邪。陸子曰。子之辭辯矣。顧

未入吾室。吾室之內。或棲于櫝。或陳于前。或枕藉于牀。俯仰四顧。無非書者。吾飲食起居疾痛呻吟悲憂憤歎。未嘗不與書俱。賓客不至。妻子不覲。而風雨雷雹之變。有不知也。間有意欲起。而亂書圍之。如積槁枝。或至不得行。則輒自笑曰。此非吾所謂巢者邪。乃引客就觀之。客始不能入。既入又不能出。乃亦大笑曰。信乎其似巢也。客去。陸子歎曰。天下之事。聞者不如見者知之爲詳。見者不如居者知之爲盡。吾儕未造大道之堂奧。自藩籬之外而妄議之可乎。因書以自警。淳熙九年九月三日。甫里陸某務觀記。

居室記 陸游

陸子治室于所居堂之北。其南北二十有八尺。東西十有七尺。東西北皆爲窗。窗皆設簾障。視晦明寒燠。爲舒卷啟閉之節。南爲大門。西南小門。冬則析堂與室爲二。而通其小門以爲奧室。夏則合爲一。而闢大門以受涼風。歲暮必易腐瓦。補罅隙。以避霜露之氣。朝晡食飲。豐約惟其力。少飽則止。不必盡器。休息取調節氣血。

不必成寐。讀書取暢適性靈。不必終卷。衣加損視氣候。或一日婁變。行不過數十步。意勸則止。雖有所期。處亦不復。問客至。或見或不能見。問與人論說古事。或共杯酒。勸則亟舍而起。四方書疏。略不復遣。有來者或亟報。或守累日不能報。皆適逢其會。無貴賤親疎之間。足蹟不至城市者。率累年。少不治生事。舊食奉祠之祿。以自給。秩滿因不復敢請。縮衣節食而已。又二年。遂請老。法當得分司祿。亦置不復言。舍後及旁皆有隙地。蒔花百餘本。當敷榮時。或至其下。方羊坐起。亦或零落已盡。終不一往。有疾亦不汲汲近藥石。久多自平。家世無年。自曾大父以降。三世皆不越一甲子。今獨幸及七十有六。耳目手足未廢。可謂過其分矣。然自計平昔。于方外養生之說。初無所聞。意者日用亦或默與養生者合。故悉自書之。將質于山林有道之士云。

東屯高齋記

陸游

少陵先生。晚游夔州。愛其山川不忍去。三徙居。皆名高齋。質於其詩。曰次水門者。

白帝城之高齋也。曰依藥餌者。瀼西之高齋也。曰見一川者。東屯之高齋也。故其詩又曰。高齋非一處。予至夔數月。弔先生之遺迹。則白帝城已廢爲邱墟。百有餘年。自城郭府寺。父老無知其處者。況所謂高齋乎。瀼西蓋今夔府治所。畫爲阡陌。裂爲坊市。高齋宜不之識。然東屯有李氏者。居已數世。上距少陵財三易主。大厯中。故券猶在。而高齋負山帶谿。氣象良是。李氏業進士名襄。因郡博士雍君大椿。屬予記之。予太息曰。少陵天下士也。早遇明皇肅宗。官爵雖不尊顯。而見知實深。蓋嘗慨然以稷契自許。及落魄巴蜀。感漢昭烈諸葛丞相之事。屢見於詩。頓挫悲壯。反覆動人。其規模志意。豈小哉。然去國寢久。諸公故人。熟睨其窮。無肯出力。比至夔。客於柏中丞嚴明府之間。如九尺丈夫。俯首居小屋下。思一吐氣而不可得。予讀其詩。至小臣議論絕。老病客殊方之句。未嘗不流涕也。嗟夫。辭之悲。乃至是乎。荆卿之歌。阮嗣宗之哭。不加於此矣。少陵非區區於仕進者。不勝愛君憂國之心。思少出所學。佐天子。興貞觀開元之治。而身愈老。命愈大謬。坎壈且死。則其悲

至此亦無足怪也。今李君初不踐通塞榮辱之機。讀書絃歌。忽焉忘老。無少陵之憂。而有其高。少陵家東屯不浹歲。而君數世居之。使死者復生。予未知少陵自謂與君孰失得也。若予者。仕不能無愧於義。退又無地可耕。是直有慕於李君爾。故樂與爲記。乾道七年四月十日山陰陸某記。

東籬記 陸游

放翁告歸之三年。闢舍東第地。南北七十五尺。東西或十有八尺而贏。或十有三尺而縮。插竹爲籬。如其地之數。薶五石瓮。潄泉爲池。植千葉白芙蕖。又雜植木之品若干。草之品若干。名之曰東籬。放翁日婆娑其間。掇其香以嗅。撝其穎以玩。朝而灌。莫而鉏。凡一甲坼。一敷榮。童子皆來報惟謹。放翁於是考本草以見其性質。探離騷以得其族類。本之詩爾雅。及毛氏郭氏之傳。以觀其比興。窮其訓詁。又下而博取漢魏晉唐以來。一篇一詠。無遺者。反覆研究古今體制之變革。間亦吟諷爲長謠短章。楚詞唐律。酬答風月煙雨之態度。蓋非獨娛身目。遣暇日而已。昔老